



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-553-14/19

Datum: 09.04.2019.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 08.04.2019.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za usluge u predmetu nabavke "Osiguranje imovine, vozila i kolektivno osiguranje zaposlenih" je za:

Lot-1 Kolektivno osiguranje zaposlenih, po cijeni od 1.080,00 KM (slovima: hiljaduosamdeset i 00/100 konvertibilnih maraka) bez PDV-a je ponuda ponuđača SARAJEVO OSIGURANJE DD Sarajevo;

Lot-2 Osiguranje motornih vozila, po cijeni od 8.276,00KM (slovima: osamhiljadadvjestotinesedamdesetšest i 00/100 konvertibilnih maraka) bez PDV-a je ponuda ponuđača SARAJEVO OSIGURANJE DD Sarajevo;

Lot-3 Osiguranje imovine, po cijeni od 613,24KM KM (slovima: šeststotinatrinaest i 24/100 konvertibilnih maraka) bez PDV-a je ponuda ponuđača SARAJEVO OSIGURANJE DD Sarajevo.

II

Ponuda je dostavljena u Konkurentskom zahtjevu za dostavljanje ponuda sa podjelom na lotove koji je objavljen na Portalu javnih nabavki dana 07.03.2019.godine pod brojem: 375-7-2-44-3-37/19, kriterij za dodjelu ugovora je najniža cijena.

III

Obavezuje se izabrani ponuđači (ako nije dostavio uz ponudu) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača ADRIATIC OSIGURANJE DD Sarajevo, Poslovnica Zenica, odbacuju se kao formalno neispravna u odnosu na Lot-2 i Lot-3.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za usluge "Osiguranje imovine, vozila i kolektivno osiguranje zaposlenih" pokrenut je Odlukom o pokretanju postupka broj:02-49-1-553-2/19 od 04.03.2019.godine. Odabran je Konkurentski zahtjev za dostavu ponuda sa podjelom na lotove (3 lota), koji je objavljen na Portalu javnih nabavki dana 07.03.2019.godine pod brojem: 375-7-2-44-3-37/19, procijenjena vrijednost javne nabavke bez PDV-a je 8.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 2 (dvije) ponude i to: ponuda ponuđača ADRIATIC OSIGURANJE DD Sarajevo, Poslovnica Zenica i ponuda ponuđača SARAJEVO OSIGURANJE DD Sarajevo.

Komisija za javne nabavke imenovana rješenjem Općinskog Načelnika broj:02-49-1-553-6/19 od 18.03.2019.godine izvršila je dana 27.03.2019.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 2 (dvije) ponude formalno ispravne (sadržajno kompletne i ispravnog sadržaja) i to ponuda SARAJEVO OSIGURANJE DD Sarajevo za Lot-1, Lot-2 i Lot-3 a ponuda ADRIATIC OSIGURANJE DD Sarajevo, Poslovnica Zenica za Lot-1 i da se kao takve mogu ocjenjivati u skladu sa zahtjevom za dostavu ponuda.

Komisija je utvrdila da je cijena ponude SARAJEVO OSIGURANJE DD Sarajevo, (Lot-1 Kolektivno osiguranje zaposlenih) više od 20 % niža od cijene drugoplasirane prihvatljive ponude za taj lot, te je ugovorni organ u skladu sa članom 66. Zakona o javnim nabavkama i članom 17. Uputstva za pripremu modela tenderske dokumentacije i ponuda, uputio dopis broj:08-49-1-553-11/19 od 01.04.2019. godine kojim se traži obrazloženje ponuđene cijene od strane SARAJEVO OSIGURANJE DD Sarajevo.

Obrazloženje cijene SARAJEVO OSIGURANJE DD Sarajevo dostavljeno je u formi akta od 03.04.2019. godine (zaprimljeno na protokol Općine 08-48-1-553-12/19 04.04.2019. godine). Komisija za javne nabavke je analizirala obrazloženje nakon čega je Komisija odlučila da prihvati ponudu SARAJEVO OSIGURANJE DD Sarajevo.

Kako je tačkom 1.5. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude, to je ugovorni organ zakazao E-aukcija za Lot-1 za dan 05.04.2019.godine od 14:30 sati sa vremenskim trajanjem od 10 (deset) minuta a za Lot-2 i Lot-3 nije zakazivana E-aukcija jer je bila prihvatljiva samo jedna ponuda.

Iz Izvještaja o toku i završetku E-aukcije od 05.04.2019.godine vidljivo je da SARAJEVO OSIGURANJE DD Sarajevo kao ponuđač za Lot-1 zauzima prvo mjesto na Konačnoj listi ponuđača koji su učestvovali u E-aukciji.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da su za usluge predmetne nabavke najpovoljniji ponuđači po lotovima kako slijedi:

Lot-1

1. SARAJEVO OSIGURANJE DD Sarajevo
2. ADRIATIC OSIGURANJE DD Sarajevo, Poslovnica Zenica

Lot-2

1. SARAJEVO OSIGURANJE DD Sarajevo

Lot-3

1. SARAJEVO OSIGURANJE DD Sarajevo

Komisija je kod ocjene ponuda takođe utvrdila da:

Ponuda ADRIATIC OSIGURANJE DD Sarajevo, Poslovnica Zenica ima formalni nedostatak odnosno ista nije dostavljena na način kako je to predviđeno tačkom 4.3. tenderske dokumentacije. Naime tačkom 4.3. tenderske dokumentacije je propisano da "Ponuđač koji dostavlja ponudu za više lotova ima pravo da izjave o ispunjavanju uslova za kvalifikaciju da ispunjava uslova iz člana 45. Zakona i dokaz o registraciji, sa pripadajućim izjavama dostavi u jednoj koverti/ponuda, prvoj po rednom broju lota na koji

se prijavljuje, iz razloga što se u konkretnoj nabavci ne traže po lotovima različiti uslovi u vezi sa ekonomskom i finansijskom sposobnošću, odnosno profesionalnom i tehničkom sposobnošću.

Finansijski dio ponude za ostale lotove na koje se prijavljuje dostavlja u posebnim kovertama na kojima mora biti naznačeno na koji lot se ponuda odnosi", ponuđač ADRIATIC OSIGURANJE DD Sarajevo, Poslovnica Zenica finansijski dio ponude za Lot-2 i Lot-3 dostavio je zajedno sa dokumentacijom i finansijskim dijelom ponude za Lot-1 te je komisija za javne nabavke prihvatila ponudu samo za Lot-1 a ponude za Lot-2 i Lot-3 se smatraju formalno neispravnim.

Ponuda ponuđača ADRIATIC OSIGURANJE DD Sarajevo, Poslovnica Zenica za Lot-2 i Lot-3 je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-553-13/19 od 08.04.2019.godine), da se u predmetu javne nabavke usluga "Osiguranje imovine, vozila i kolektivno osiguranje zaposlenih" , donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge za Lot-1, Lot-2 i Lot-3 određuje ponuda ponuđača SARAJEVO OSIGURANJE DD Sarajevo, odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za usluge predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljnija izabrana je ponuda SARAJEVO OSIGURANJE DD Sarajevo, za lot-1 Kolektivno osiguranje zaposlenih, po cijeni od 1.080,00 KM (slovima: hiljaduosamdeset i 00/100 konvertibilnih maraka), za Lot-2 Osiguranje motornih vozila, po cijeni od 8.276,00KM (slovima: osamhiljadadvijestotinesedamdesetšest i 00/100 konvertibilnih maraka) i za Lot 3 - Osiguranje imovine, po cijeni od 613,24KM KM (slovima: šeststotinatrinaest i 24/100 konvertibilnih maraka) .

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x2,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.

Hančić



Suad Huskić
OPĆINSKI NAČELNIK

Mr.sci. Suad Huskić

